

過

庭

錄

過庭錄卷一 乾坤二卦 公用亨于天子 易孟氏

爲古文 子夏易傳子夏爲韓嬰孫商之字

卷二 周易攷異上 一百十條

卷三 周易攷異下 二百二十二條

卷四 尙書略說上 九族 中星 四岳 大麓

古禮巡守封禪 太原 導荷澤被孟豬 夾石碣石
入于河

卷五 尙書略說下 般庚 武王伐殷年 伯禽受

封年 周公攝政 唐人引今文尙書皆馬鄭古文

卷六 尙書譜

卷七 野有死麕爲凶荒殺禮 三英粲兮 騶虞

濟人不濡軌軌不當改軌 陸氏言古人韻緩之非
愛而不見愛不必讀優 豳風公孫碩膚公孫謂成王
芄野卽鬼方 豳風七月備風雅頌

卷八 昏禮用鴈爲大夫摯 儀禮爲本周禮爲末
冬溫而夏清 奉席如橋衡橋訓桔臯 殯於五父之
衢 其蟲倮爲虎豹之類 月令五蟲所取 商容爲
商禮樂之官非人姓名 喪服無齊衰九月 南方之
強北方之強爲老聃墨翟 燕毛 大學引書 師氏
保氏鄭注釋 考工記車制 康成注經與他書違異
三商

卷九 元年春王周正月 鄭伯克段于鄆 天王使

宰咺來歸惠公仲子之賵隱元年夫人子氏薨二年君氏卒

三年初獻六羽隱五年吉禘辨鵠冠卽圖冠楚鬻

熊居丹陽武王徙郢攷舟較作舟舳唐時本未誤

乘馬而歸取闕昭卅二年闕止夾谷公羊經賁渾

賁當作嗇蒲社孔子生在襄公廿二年

卷十傳記引經於作于如有博施於民猶吾大

夫高子也管子之器小哉孝經徐氏孝經疏

疾雷爲霆霓霓當作電小山別大山曰鮮一本作嶰

爾雅舍人注鄒曹交追蠡逸經孟子事

蹟攷

卷十一十紀五帝不同祖河渠書補禹貢茅

闕門 劉歆妄改魯世家年數 斷斷如也 圯上

牢盆

卷十二 漢高帝困辱賈人 清廟之守 輸之司空

功無原 幼寤聖君 四始五際 漢代浮屠黃老

爲一家 蒼梧桂陽不能用馬車 韎任朱離 元黃

變色 盤古爲國名 槃瓠爲盤古之謠 諸葛稱葛

氏 畢復 史書 陳壽 後年卽明年 隋書多俗

字 劉晏鹽利 道學

卷十三 鬻子 老子 婦人以爲春酋 貞蟲 易

牙蒸其首子而進之 商人服象 子姪 大戴禮記

讀孔檢討
補注本

卷十四 管子識誤 一百五十八條

卷十五 眾流之隈汧涌其西 文選 惇誨故老 正

雅樂 范氏施御 大上 璿弁玉纓 清酤紘 守

位以人 國叟 車中內顧 勺藥 甘泉賦注引新

論 儲胥 劉公幹 尺書 唐哉皇哉 四上 材

能不及中庸 三月三日 文筆 烏集

卷十六 木蘭詩 劍器 飛花 二橋 錦瑟 宋

廣平梅花賦宋元人偽託 近人妄改元白詩 裴晉

公論昌黎文 阿 孤令 開析

余以歲已酉子役漢皋輯讀書所得爲過庭錄溯自孤

露將廿七年年已七十有三而所學未成彌增怵惕然

一管之窺不能遽棄姑先編定以質同人匡其不及則
所厚望焉咸豐三年二月長洲宋翔鳳記

過庭錄卷一

乾坤二卦

乾之六爻明禪讓之法也此堯舜禹湯繼統之潛龍其有鰥在下乎孟子曰舜之居深山之中與木石俱與鹿豕游其所以異於深山之野人者幾希此卽遜世无悶不見是而无悶確乎其不可拔潛龍之德也及其聞一善言見一善行若決江河沛然莫之能禦此乾初之善也乾之九二坤五來降陰陽始通釐降媿汭當此爻矣秣試諸難乾乾夕惕乾象爲歲爻又直三三載詢事考言其當九三乎四之或躍其攝天子乎攝相也夫攝天子則疑於爲君爲君則堯尙存正朔未改則疑於爲臣爲

臣而用人行政俱自舜出故爲疑辭以或之必以舜之
所以事堯事君而後可攝天子之政亦必堯爲天子而
後可以致或躍之功不然如文王與紂之事則括囊而
已矣欲自試則懼生矣飛龍在天利見大人其受正改
朔之辭乎蓋堯崩而後舜踐天子之位攝天子者相堯
之辭也論語堯曰咨爾舜天之秣數在爾躬允執其中
四海困窮天祿永終堯之命其命於受終文祖之時乎
鴻水之滔天丹絳之不肖忼龍之悔也天祿之終也

日悔鄭注云悔之言悔悔猶終也

上九失位降居坤三謙之九三勞謙

君子有終吉三於爻位爲三公王者之後當天祿之終
宜退居三公之位此丹絳爲二王後之法也堯之數終

而舜受之舜之數終而禹受之知進退存亡而不失其
正者其唯堯舜乎此衆陽之象羣聖人之相繼有治而
無亂故乾元用九天下治也

篇辭九成大武六成復綴以崇卽乾用九坤用六之義

坤之六爻明征誅之法也此文王與紂之事也初六履
霜霜者乾之命令文王受命唯中身其坤之初六乎初
六爻辰直六月未未上直東井鉞一星附井之前天官
書曰傷成鉞禍成井說者王者有敗德必成形於鉞以
言有敗亂則有鉞誅之蓋文王始立而殷德已衰必上
有失政而後亂臣賊子得立於其朝故以履霜堅冰之
辭危之也六二直方大不習无不利二爲內卦之中坤

爲國文王先治其國中治岐之事可當此爻故文言曰
敬義立而德不孤言岐周旣治則四方之人同心歸之
若歸父母也六三含章可貞或從王事无成有終其受
命稱王之事乎書大傳言文王一年質虞芮訟二年伐
邠三年伐密須四年伐犬夷紂乃囚之民所歸往之謂
王非文王之自爲尊也征伐之事王者之事而文王則
以爲弗敢成也故亦爲疑辭以或之也伐耆之後殷命
旣訖周之代終已知之矣六四括囊其牖里之事乎不
敢自言其無罪括囊之義也夫苟自言紂必不肯釋文
王而有咎矣以是而求譽又非敢及也此憂患之至也
黃裳元吉則服事之道也紂可謂暴主而文王聖人也

龍戰之事周勝而殷敗宜不終日矣黃中之色裳下之飾之乾二而居下中六五之道統臣之節也當時歸文王者六州荆梁雍豫徐揚自西而之南皆服文王故西南得朋冀沈青服紂者東北一隅而已矣故東北喪朋陰消至上六而坤體成坤辟亥亥為天門乾之維陰凝於陽之際陰道窮而乾元復生於子乾初為震震為龍六爻皆言乾元升降故稱六龍乾之初陽與坤之窮陰相戰故龍戰于野乾為郊為野內為郊外為野余正郊外謂之牧牧外謂之野說戊在乾維內故戊言郊文郊外謂之野小畜密雲不虞氏注需上變為陽坎象半見則西郊當指上九同人上九同人于郊虞注亦謂乾為郊失位无應與乾上九同義案上九爻辰亥在乾維外故亥言野先儒說野在直戊知戊言郊也

戊亥之間戊無坤氣此言失之乾初九甲子故克殷以甲子姆野之戰其龍戰于野乎下繫曰易之興也其當殷之末世周之盛德邪當文王與紂之事邪殷易首坤坤以上六爲世上又爲末故曰末世乾初子子爲福德故曰盛德坤爲事故曰文王與紂之事陰陽數窮不能爲忼龍之悔則必有龍戰之事焉文王蚤知之矣亂之至極無征伐以正之則終不得正也故用六利永貞也堯舜當乾文王與紂之事當坤而俱取於易者所以敘帝王之統其受天命有此二道也

公用亨于天子

大有九三公用亨于天子小人弗克音義用亨許庚反

通也下同衆家並香雨反京云獻也干云享宴也姚云
享祀也案姚信說是也爻辰九三在辰辰爲壽星壽星
角亢亢爲疏廟故爻以享祀爲辭禮諸侯不敢祖天子
公用享于天子其惟周公之德乎故鄭君以大有爲周
公攝政朝諸侯於明堂之卦魯世家云周公卒後秋未
穫暴風雷雨禾盡偃大木盡拔周國大恐成王與大夫
朝服以開金縢書王乃得周公所自以爲功代武王之
說二公及王乃問史百執事曰信有昔周公命我勿敢
言成王執書以泣曰自今後其無繆卜乎昔周公勤勞
王家惟予幼人弗及知今天動威以彰周公之德惟朕
小子其迎我國家禮亦宜之王出郊天乃雨反風禾盡

起二公命國人凡大木所偃盡起而築之歲則大熟於是成王乃命魯得郊祭文王魯有天子禮樂者以褒周公之德也

此古文金縢說

夫風雷之變天之所助者順也史言

公命人之所助者信也成王感風雷而後能履信思乎順乃命魯得郊此王之尙賢也非周公之心卽爲小人之僭而弗克享矣爻位三爲三公上爲宗廟於三公言用享可以明周公之得祖天子於宗廟爻言自天祐之可以明魯之郊祭爲天之所祐也僖廿五年左傳遇公用享于天子之卦戰克而王饗吉孰大焉以享爲宴饗此占者隨文以斷吉凶非爻之正義也損二簋可用亨隨上六王用亨于西山益六二王用亨于帝升六四王

用亨于岐山凡言亨者皆指祭祀則大有九三自同于寶以爲享宴王弼以爲元亨之亨皆非

易孟氏爲古文

漢書儒林傳孟喜字長卿東海蘭陵人也父號孟卿善爲禮春秋授后蒼疏廣世所傳后氏禮疏氏春秋皆出孟卿孟卿曰禮經多春秋煩雜迺使喜從田王孫受易喜好自稱譽得易家候陰陽災變書詐言師田生且死時枕喜刳獨傳喜諸儒曰此耀之同門梁丘賀疏通證明之曰田生絕於施讎手中時喜歸東海安得此事案漢諸經博士恆黨同嫉異孟氏易學最博得陰陽災變以授焦延壽得古文以授費直蓋易含萬象所

託多涂凡此異同自有所出喜自謂得自田生云且死者當未死時也何必指氣絕乎賀不能疏通其災變之非是而但据喜歸東海爲證亦見其學之莠小而朝廷或於其說班氏文人遂從而和之皆非也

又蜀人趙賓好小數書後爲易飾易文曰爲箕子明夷陰陽氣匹箕子箕子者萬物方蓁茲也

師古曰易明夷卦彖曰利艱貞

晦其明也內難而能正其志箕子以之而六五爻辭曰箕子之明夷利貞此箕子謂殷父師說洪範者也而賓其根蓁方茲茂也賓持論巧慧易家不能難皆曰非古法也云受孟喜喜爲名之後賓死莫能持其說喜因不肯仞巨此不見信

案後漢書儒林傳云費氏學本曰古字號古文易又

云陳元鄭眾皆傳費氏易荀爽又作易傳可證荀爽

之易出於費氏古文又案陸德明周易音義云箕子

之明夷蜀才箕作其

經典敘錄蜀才注十卷七錄云

案蜀李書云姓范名長生一名賢隱居青城山自號蜀才李雄以爲丞相案長生蜀人其所述當卽西漢時蜀人趙賓之易故與賓同音義載蜀才本多與鄭荀虞諸家埒合則其注雖出弼後其學實合古文

劉向云今易箕子作蓍滋鄒湛云訓箕爲蓍訓子爲

滋漫衍無經不可致詰以譏荀爽案此則荀氏注易

遠合趙賓劉向所據亦同賓說賓之所學實爲有本

傳謂賓持論巧慧易家不能難夫憑臆巧辯必有時

而窮至於不能難而徒以非古法所之豈信讖乎案

賓以陰陽氣言卽是孟喜候陰陽之學云受自喜者

其信讀箕子爲蓼茲當據古文劉向亦以爲今易作
蓼滋蓋校中古文易經而知其是故向不以蓼滋爲
不經荀氏亦注古文輾轉上推知古文易出於孟子
也周易音義晉彖云進也孟作齊子西反義同案與公羊春秋晉樂施來奔左氏經作齊樂施左之春秋孟之易皆古文也

喜舉孝廉爲郎曲臺署長病免爲丞相掾博士缺衆人
薦喜上聞喜改師法遂不用喜喜授同郡白光少子沛
翟牧子兄皆爲博士繇是有翟孟白之學

案白光翟牧見其師不得爲博士故不敢馳騁爲他
說守章句而已其後以京房非孟氏學亦以此

京房受易梁人焦延壽延壽云嘗從孟喜問易會喜死

房以爲延壽易卽孟氏學翟牧白生不肖皆曰非也

案上喜傳旣云得易家候陰陽災變書而京房明災異言事多中其說宜本孟氏故藝文志云孟氏京房十一篇災異孟氏京房六十六篇此房學出孟氏之證許晷五經異義言天子有爵天子駕數輒引易孟京說知京氏學卽同孟氏也

至成帝時劉向校書考易說曰爲諸家易說皆祖田何楊叔丁將軍大誼略同唯京氏爲異黨焦延壽獨得隱士之說託之孟氏不與相同

案向在成帝世見博士白生等所傳孟氏易不異梁丘諸家遂以京氏爲依託其實孟氏有二學一則明

章句傳白生等列學官爲博士者也一則言陰陽傳趙賓焦延壽不爲博士故曰隱士言其學隱蔽不著非其姓名隱也

費直字長翁東萊人也治易爲郎至單父令長於卦筮以章句徒曰彖象繫辭十篇文言解說上下經琅邪王璜平中能傳之璜又傳古文尙書

案藝文志云施孟梁丘京氏列於學官而民間有費高二家之說劉向以中古文易經校施孟梁丘經或脫去無咎悔亡唯費氏經與古文同志言校施孟梁丘經而不言京氏知京氏不脫無咎悔亡也其言施孟乃白生等所傳之孟氏非京房所傳之孟氏也志

言易經十二篇施孟梁丘三家又云孟氏京房十一

篇與今王弼易篇同

周易音義上經乾傳弟一泰傳弟二噬嗑傳弟三下經咸傳弟

四夬傳弟五豐傳弟六繫辭上傳弟七下傳弟八說卦傳弟九序卦傳弟十雜卦傳弟十一崇文

總目序云以彖象文言雜入卦中自費氏始而京氏已然知費氏之經出於京氏故藝文志不錄費氏經也不然向方見費氏同中古文則別錄安得不載乎或者費直受業京房見其師言災異受禍故更不著說而但以十翼說上下經爾

後漢書儒林傳建武中范升傳孟氏易呂授楊政而陳元鄭眾皆傳費氏易其後馬融亦爲其傳融授鄭元元作易注荀爽又作易傳自是費氏興而京氏遂衰

案儒林傳上文言楊政就范升受梁丘易范升傳亦言習梁丘易則此言升傳孟氏易誤也鄭元傳則言先始通京氏易公羊春秋云云而絕不言費氏知康成所注費氏易卽京氏也要之周易一書無屋壁與口授之異所謂古文者祇以其行於民間不與當世博士同爾自京氏置博士而費易獨以古文名不知其實出於孟氏京氏也曩讀說文解字序以易孟氏爲古文嘗疑其誤今攷之而知其非誤矣

子夏易傳子夏爲韓嬰孫商之字

經典釋文敘錄云子夏易傳三卷卜商字子夏衛人孔子弟子七略云漢興韓嬰傳中經簿錄云丁寬所作張

璠云或駢臂子弓所作薛虞記虞不詳何許人文苑英
華載唐司馬貞議云王儉七志引劉向七略云易傳子
夏韓氏嬰也今題不稱韓氏而載薛虞記又今祕閣有
子夏傳薛虞記又劉子元議云漢書藝文志易有十二
家而無子夏作傳者至梁阮氏七錄始有子夏易六卷
或云韓嬰作或云丁寬作然据漢書藝文志韓易有十
二篇今本漢書志韓氏二篇無十字丁易有八篇求其符會則事殊墮
刺者矣隋經籍志周易二卷魏文侯師卜子夏傳殘闕
梁六卷漢書儒林傳云韓嬰燕人也孝文時爲博士景
帝時至常山太傅嬰推詩人之意而作內外傳數萬言
其語頗與齊魯閒殊然歸一也淮南賁生受之燕趙閒

言詩者由韓生韓生亦曰易授人推易意而爲之傳燕
趙間好詩故其易微唯韓氏自傳之武帝時嬰嘗與董
仲舒論於上前其人精悍處事分明仲舒不能難也後
其孫商爲博士孝宣時涿郡韓生其後也曰易微待詔
殿中曰所受易卽先太傳所傳也嘗受韓詩不如韓氏
易深太傳故事傳之司隸校尉蓋寬饒本受易於孟喜
見涿韓生說易而好之卽更從受焉翔鳳按漢儒林傳
稱魯商瞿子木受易孔子曰授魯橋庇子庸子庸授江
東馯臂子弓子弓授燕周醜子家則子家當爲六國時
人受子弓之易傳於燕地韓嬰之以易授人自必有所
傳蓋出於子弓故張璠稱子夏易傳或馯臂子弓所作

子弓之易又五傳而至丁寬故或以爲丁寬作益嬰孫
商爲博士當亦爲詩博士孝宣時其後韓生始以易徵
待詔殿中則韓氏之易至是始顯子夏當是韓商之字
與卜子夏名字正同當是取傳韓氏易最後者題其書
故韓氏易傳爲子夏傳也

周易攷異上 過庭錄卷之二

易 音義虞翻注參同契云字從日下月正從日勿

按參同契云易謂坎離又云日月爲易說文九篇下
云祕書說日月爲易象陰陽也一曰从勿許君時以
緯候爲祕書又稱說說見鄭志則參同契亦緯候之
一篇仲翔注易多用參同契如納甲法尤爲說易之
要義知非淺書但緯書多近鄙別字見後漢尹敏傳如易從
日下月亦近鄙之流故許氏取其說而不載从日从
月之字知非古文也

夕惕若厲 說文寅敬惕也从夕寅聲易曰夕惕若寅

七篇

惠棟

周易述曰寅敬厲危也俗本脫寅今從

古按惠据說文增𠄎字是也或謂說文骨部𠄎字下云讀若易曰夕惕若厲此厲上無𠄎字又黃公紹韵會舉要四支𠄎字下云說文恭也敬惕也從夕寅聲徐引易夕惕若此引說文以夕惕若爲徐氏所引又無𠄎字惠所据其譌本歟荅曰毛氏汲古閣說文卽用宋本重刻又見宋本小字說文五音韵譜及影宋本說文繫傳其𠄎字下所引並同其本並出韵會舉要之前引夕惕若𠄎蓋据孟氏古文易𠄎下所引是施孟梁丘博士所傳之易凡漢人言讀若者必据通行之書使人易曉故𠄎下引博士易也作韵會者見卽時易無𠄎字遂刪之又誤爲徐氏所引此南宋以

後之通病也

亢龍有悔

說文引易亢作忼

十篇下

按忼字古文也今

文藉亢爲之

大人造也

音義造鄭徂早反爲也王肅七到反就也

劉歆父子作聚

按漢人不言反切蓋鄭傳古文費

氏易作造而後人因鄭爲也之義而作音漢書劉向傳上災異封事云賢人在上位則引其類以聚之於朝易曰飛龍在天大人聚也向雖見古文易而上書所引自据學官本向傳又引易曰拔茅茹以其彙征吉古文彙字作萑知向不据古文易矣聚與造聲之轉也

體仁足以長人 音義京房荀爽董遇本作體信 校
孟京荀三家本多同知荀氏古文卽本孟京信字古
文作𠂔从言省與仁字形近

利物 音義孟喜京荀陸績作利之 校此可知京出
於孟荀傳費易亦與孟同

聖人作 音義作如字鄭云起也馬融作起

其唯聖人乎 音義王肅作愚人後結始作聖人 校
肅本多私改不足據故不具載又音義言一本作某
皆王弼注之別本明漢學故亦不錄

𠂔 音義𠂔本又作坤坤今字也 校古文易於卦首
坤作𠂔彖象文言之坤字則不作𠂔 如經文于字葆
彖象並作於葆

璞先生曰𠂔卽川字古音坤川同類故字可通用或改𠂔爲𠂔字作六斷者非也

由辯之不早辯也 音義辯如字馬云別也荀作變

按荀作變者乃荀氏讀正之字故不與諸家古文同陰疑於陽必戰 音義疑如字荀虞姚信蜀才本作凝按李鼎祚集解引孟喜曰陰乃上薄疑似於陽必與陽戰也則孟氏本作疑荀爽讀作凝說文凝字爲冰冰字爲公隸書出乃有凝字而以冰爲公荀虞並据隸讀也

爲其嫌於无陽也 音義嫌鄭作濂荀虞陸董作𦵏

按鄭作濂者是鄭所讀也云荀虞陸董作𦵏𦵏字當

是嫌字之誤嫌字通謙謙於无陽於義尠合集解引
孟喜曰陰乃上薄疑似於陽又引九家易曰陰陽合

居故曰嫌說文懷疑也又云嫌不平於心也一曰疑

也則嫌嫌音義相通從心當爲正字漢書趙充國傳嫌得避嫌之便

古文易上旣作疑下自作嫌嫌字或小王所改疑之與嫌轉

相爲注孟氏古文也荀虞傳古文者也而陰疑於陽

荀虞疑作凝則兩家之改讀也按兩家爲凝當本鄭

義鄭旣讀嫌爲濂說文濂薄冰也濂與凝義亦相成

文選寡婦賦水濂濂以微凝注引說文濂濂薄冰也

蓋冰薄則與水相雜故鄭注云濂雜也周易音義引

鄭本多不備疑之作凝當同荀虞詩采薇正義引易

鄭注曰濂讀如羣公慊之慊古書篆作立心與水相近讀者失之故作濂濂雜也按當作慊讀如羣公濂之濂又當作讀者失之故作慊凡書篆作立心者與水相近故讀古文者誤水爲心作慊

漢書地理志汝南郡慎陽注師

古曰慎字本演音眞後誤爲慎開騷云

永平五年失印更刻遂誤以水爲心

易其字羣公濂者公羊文十三年傳云羣公廩何注云廩者連新於陳上財令半相連爾廩與濂聲相近故何鄭本互異穀連新於陳上與薄冰之在水上似之故亦爲濂若更作從心之慊則義復難通公羊疏云廩謂全是故穀但在上少有新穀財得相連而已故謂廩廩者希少之名是以鄭注廩讀如羣公廩是

也詳疏所引卽鄭易注而不作濂者據何以改鄭然
希少卽是濂義廩無希少之義也又按坤上六龍戰
于野集解引荀曰消息之位坤在於亥下有伏乾爲
其兼於陽故稱龍也則荀又讀慊爲兼又孟云疑似
於陽則无字當衍

屯
經論 音義論音倫鄭如字謂論撰書禮樂施政事
黃穎云經論匡濟也本亦作綸 按說文無綸字凡
經傳中經綸之字皆當從言作論

乘馬班如 音義班如如字子夏傳云相牽不進兒鄭
本作般 按正義引馬融云班班旋不進也是馬亦
以爲般旋與鄭本同蓋古文孔氏易正義引舊注輒

改字以就小王本不可据爲馬亦作班也又說文十篇上驢駟驢也从馬直聲易曰乘馬驢如按此引易未全當作駟如驢如乘馬般如屯遘古文蓋作駟驢卽鹿无虞 音義鹿王肅作麓云山足 按集解引虞注亦作麓虞亦謂爲麓也

君子幾不如舍 音義幾鄭作機云弩牙也

泣血漣如 說文十篇下漣泣下也从心連聲易曰泣涕漣如

蒙

再三瀆 說文十篇上黷握持垢也从黑賣聲易曰

再三瀆 按凡黷神黷貨之黷皆當從黑作黷從水之瀆爲川瀆字經典段藉爲之

以往吝 說文二篇上吝恨惜也从口文聲易曰以往吝又二篇下遯行難也从辵夨聲易曰以往遯 按說卦坤爲吝晉音義吝京作遯知說文引以往遯者出京氏易蓋古文也漢書多古字如地理志民以貪遯爭訟王莽傳性實遯嗇吝並作遯說文又引以往吝者乃博士所傳之易今傳荀虞注文皆作吝無遯者經字雖用古文傳注自爲今字如毛詩周禮之類並同蓋唐時諸家易微其古文輒以今字改之惟京易於說卦存此遯字俾學者得考知其出於古文矣或謂易內往吝往見吝以往吝皆當作遯行難也悔吝之吝作吝恨惜也說文引以往吝意後人所增然

屯六三往吝音義馬云恨也則馬以恨惜釋吝矣集
解引虞曰吝疵也則虞以悔吝釋吝矣兩家與說文
相爲後先知古文之遴與今字之吝其訓可通說文
兩存其讀爾吝隸又作恪方言十云荆汝江湘之郊
凡貪而不施或謂之恪恪恨也則貪遴之遴此又作
恪知遴吝不別也

苞蒙 音義鄭云苞當作彪彪文也

順以巽也 音義以巽音遜鄭云當作遜

擊蒙 音義擊經歷反王肅云治也馬鄭作繫 按虞

注亦作擊馬鄭讀爲繫漢隸擊繫字並可省作𡗗郭
仲青碑鷹俯電𡗗卽擊字夏官校人三阜爲𡗗音義

需

𪚩本又作繫漢書景帝紀農桑𪚩畜注𪚩古繫字蓋古文經但作𪚩故諸家所讀不同爾

需于沙 音義沙如字鄭作沚 惠棟曰案沚當作

沚與沙同說文沙水散石也从水从少沙見譚長說沙或作沚从止穆天子傳天子東征南絕沙衍郭璞云沙衍水中有沙者水少沙見故象云需于沙衍或以衍屬下句讀非也翔鳳按惠君辨沚爲沙極當象辭衍在中也荀氏以爲美德優衍虞氏以爲衍和也則諸家並連下讀穆天子傳乃僞書金壇段氏已辯其再拜空首之不合周禮所云沙衍又安足信沚之譌沚傳鄭易者相沿已久陸亦不省故音義先

人屐又曰伏菟在軸上似之又曰輶伏於軸上大壯
九四壯于大輿之輶音義本又作輻按此知輶輻相
混者由後人多聞輻罕聞輶小王注易又不詳輶制
故錄王易者易輶爲輻其實先儒舊本自皆作輶故
馬鄭之注並同說文釋名之訓又春秋僖十五年正
義引子夏易傳云輶車下伏兔也易正義於此文下
引子夏傳曰輻車劇也夫車劇卽伏兔而易輶爲輻
則非

有孚攣如 音義攣力專反馬云連也子夏傳作戀云
思也 按隸釋漢唐公防碑景君碑皆以攣爲戀說
文無戀字漢書敘傳旣繫攣於世教矣亦以攣爲戀

說文攀依也从手絲聲依攀卽依戀子夏傳爲趺臂
子弓之學非古文故用俗字

月幾望 音義幾徐音祈又音機子夏傳作近

履而不疚 音義疚馬云病也陸本作疾

眇能視 按虞注云眇而視跛而履古能而字通又李
氏集解本四能字皆作而

跛能履 音義跛彼我反足跛也依字作破 按作破
無義破當爲跛說文十篇下跛蹇也从允皮聲則蹇
步之跛與跛異

惏惏終吉 音義惏惏由革反子夏傳云恐懼貌何休
注公羊傳云驚愕也馬本作𦥑𦥑音許逆反云恐懼

也說文同廣雅云懼也 按說文五篇上虤履虎尾
虤虤恐懼从虎卓聲說文慤爲譌字重文當以虤爲
正莊子天地篇將閭菟覬覬然驚音義覬音許逆反
又生責反說文無覬字蓋虤之別體

視履考祥 音義祥本亦作詳 按宋晁氏引鄭注曰
履道之終考正詳備古詳祥字通大壯上六象辭不
祥也虞注曰乾善爲祥疑古文易皆從言作詳王肅
始改祥字以就善義

泰 后以財成天地之道 音義財荀作裁 按漢書律
厯志上后以裁成天地之道注師古曰此泰卦象辭
則班氏引易財亦作裁集解引鄭曰財節也知鄭亦

取裁義管子心術篇聖人因而財之荀子非十二子
篇一天下財萬物注並云財同裁訓古字財裁本通
用唯集解引虞曰坤富稱財則不作裁訓

以其彙征古 音義彙音胃類也李于鬼反傳氏注云

彙古偉字美也古文作胃董作質出也鄭云勤也

按序錄無傳氏不知何代人以彙爲古偉字似無所

据說文九篇下彙蟲似豪豬从希胃省聲重文蠋或

从虫則从艸从虫者胃皆不省

胃隸皆作胃

說文載古文

多不備董遇作質者以隸相近而改讀也爾雅釋詁

寅進也質寅音同故可通用說文出進也義亦相成

劉向傳云在下位則思與其類俱進故易曰拔茅茹

以其彙征吉改彙爲質或本於此然向引易自作彙

以類解彙以進解征未嘗改讀也鄭訓爲勤者蓋彙

彗音近

古音同彗同部

故讀彙爲彗

呂氏音訓謂鄭作質勤也大誤

爾雅釋

詁彗勤也

說文彗同字

鄭義本此衆經音義十四云彗古

文管彗二形同按彗字古文作管無義蓋是簞字與

彙字古文作曹者當是一字通用者也

包荒

音義荒本亦作兪音同鄭注禮云穢也說文水

廣也又大也鄭讀爲康云虛也 按說文十一篇下

兪水廣也从川亾聲易曰包兪用馮河

說文無大訓

据此

則古文易正作兪王弼訓兪爲荒穢故加艸作荒

說文

穢作蕞蕞也从艸歲聲下接荒蕞也从艸兪聲

小王以前當並作兪集解引

虞云荒大川也字仍加艸蓋李氏沿彌之訛 又按

爾雅釋詁濂虛也音義濂字又作歟同苦郎反說文

云水之空也

說文濂水虛也歟飢虛也與音義所引義同文異

方言作窳

說文

無窳字蓋子雲之奇字也

亦空也郭云本或作荒荒亦邱墟据此

則鄭讀爲康當依釋詁作濂經典段藉作康

翩翩不富以其鄰

音義篇篇如字子夏傳作翩翩向

本同云輕舉貌古文作偏偏 按經典序錄不言向

注於張璠集解十二卷下注云安定人東晉祕書郎

參著作集二十二家解序云依向秀本則所云向本

卽璠所依向秀之本也東漢魏晉傳易者罕言子夏

惟張璠云子夏易傳或馭臂子弓所作獨知子夏傳

所出則向秀之本卽依子夏傳故獨與古文異也古文作偏偏而音義本作篇篇子夏傳作翩翩三字經典可以通段故諸家字異而義同集解引虞注云二五變時四體離飛故翩翩虞用古文亦取翩翩之義城復于隍 音義隍城塹也子夏作塹姚作湟 按塹字說文無子夏傳非古文故多俗體

否 疇離祉 音義疇鄭作古𠂔字 按說文十三篇下

疇耕治之田也从田象耕屈之形重文𠂔疇或省說文二篇上𠂔誰也从口𠂔又聲𠂔古文疇据此則疇字古文但作𠂔不加口字

同人 乘其墉 音義墉鄭作庸 按經典墉庸字多通

用

大有大車以載 音義大車王肅剛除反蜀才作輿

按輿在輪軸之上車爲輿輪之總名漢魏人引易多車輿不同各隨文以解也

匪其彭 音義彭步郎反子夏作旁干云彭亨驕滿貌

王肅云壯也虞作𡗗姚云彭旁徐音同 按集解引

虞曰匪非也其位𡗗足𡗗體行不正四失位折震足故𡗗變而得正故无咎𡗗或作彭作旁聲字之誤据此知虞始讀爲𡗗

明辯哲也 音義哲章舌反王廙作晰同音徐李

徐邈李軌

之世反又作哲字鄭本作遴云讀如明星哲哲陸本

作逝虞作折 校史記賈生傳鳳漂漂其高逝索隱
音逝字又作薳三蒼音帝郭璞注云古文奇字以爲
古文逝則古文易作遼博士易作逝自鄭有明星哲
哲之讀至小王以後遂改作哲虞据博士易改古文
遼爲逝而讀爲折今傳其注中不著改字之由魏人
注經其例不如漢儒之謹如翻奏鄭解尙書違失云
古文篆卯字讀當爲柳古柳卯同字而以爲昧然鄭
君自傳古文家法而猥肆譏謗知虞氏雖傳孟氏易
其改易經字多出後定不可盡据爲孟氏古文也

謙

音義謙子夏作賺云賺謙也 按謙賺段藉

天道虧盈而益謙

音義虧盈馬本作毀盈

地道變盈而流謙 論衡引作變盈而沖謙

鬼神害盈而福謙 音義而福京本作而富 校後漢

劉脩碑動乎險中鬼神富謙

裒多益寡 音義裒蒲侯反鄭荀董蜀才作攄云取也

字書作掊廣雅云掊減 校說文十二篇上攄引取

也从手孚聲

步侯反

重文抱攄或从包

臣鉉等曰今作薄報切以爲裒

裒字非是

說文又云掊把也今鹽官入水取鹽爲掊从手

音聲

父溝切

則掊亦取義說文無裒字凡經典裒字皆

當作攄或作裒唐石經周易此裒字作裒詩原隰裒

矣菽文類聚引作裒玉篇說文繫傳引作攄爾雅釋

詁裒聚也音義裒古字作裒薄侯反本或作攄小爾

雅廣詁衷多也又衷取也兩衷字並當作衷聚與取
義亦相成說文八篇下褻衣博裾从衣保省聲保古
文保博毛切隸書則爲褻字又爲褻加之衷亦藉爲褻
取之褻當以攄爲正蓋古文易如此故鄭荀並作攄
集解引虞曰君子謂三攄取也艮爲多坤爲寡乾爲
物爲施坎爲平謙乾盈益謙故以衷多益寡稱物平
施虞注先言攄取也是作攄與鄭荀同後又云故以
衷多益寡字又作衷此李鼎祚所改鼎祚膚淺易解
中多此類

无不利撝謙 音義撝毀皮反指撝也義與麾同書云
右秉白旄以麾是也馬云撝猶離也鄭讀爲宣 按

宣當作宜。搗从手爲聲。爲字古音同訛。宜字从多省聲。古韵與寢協音亦同。訛鄭所讀或以形或以聲。宜與搗形聲俱不近。宜與无不利之義亦合。義者宜也。利物足以和義。

利用侵伐。音義侵。王廙作寢。按寢伐猶言寢兵。此廙所讀謂征不服者宜先寢兵息戰。然以前無不作侵。

原
四時不忒。音義忒。他得反。鄭云差也。京作貸。按月令。母有差貸。注云差貸謂失誤有善有惡也。音義貸音二。又他得反。注同。据此則京雖作貸而與忒同義。段貸爲忒也。

殷薦之上帝 音義殷於勤反馬云盛也說文云作樂
之盛稱殷京作隱薦將電反本又作藪同本或作薦
獸名非耳 按殷隱字可通用詩邶風柏舟如有隱
憂韓詩作殷憂又北門憂心殷殷音義殷本又作慇
同於巾反又音隱又王逸楚辭章句引詩作憂心隱
隱文選東京賦隱隱磷磷薛綜注隱隱衆多貌蜀都
賦邑居隱賑劉淵林注隱盛也則隱亦訓盛京氏段
藉作殷薦字本藉薦艸之薦爲薦進之薦作藪無此
字當由篆文訛寫

介于石 音義介音界纖介古文作𠂔鄭古八反云謂
磨𠂔也馬作𠂔云觸小石聲 按說文十二篇上𠂔

刮也从手介聲

古黠切

說文無斡字古文與鄭易作斡

傳寫之訛

陸元助不能見古文易其云古文皆據薛虞記如垢下引薛云古文作邁縞下引薛

云古文作縞

馬氏亦古文作斡是也鄭謂磨斡卽刮摩之

義與說文斡訓同

盱

音義盱香于反睢盱也向云睢盱小人喜悅

之貌王肅云盱大也鄭云誇也說文云張目也字林

火孤反又火于反子夏作紆京作汙姚作盱云日始

出引詩盱日始旦校說文七篇上旭日旦出兒从

日九聲讀若勛一曰明也臣鉉等曰九非聲未詳許

玉切詩邶風旭日始旦音義旭許玉反徐又許袁反

日始出大昕之時也說文讀若好字林呼老反按旭

字字林翻音爲呼老後翻音爲許玉寫說文者疑呼老之音遂於旭下讀若好改爲讀若勛說文好字作

致爲丑聲丑與九同部徐鉉不知好字之古音

好字古翻

音爲呼丑

遂不能正勛字之非讀反謂九非聲而疑之亦

已疏矣旭音同好故爾雅釋訓旭旭蹻蹻僑也郭注皆小人得志僑蹻之貌邢疏曰旭旭讀爲好好小雅驕人好好其讀與說文合說文無盱字姚引詩作盱日始旦者不知何本

由豫 音義由從也鄭云用也馬作猶云猶豫疑也

朋盍簪 音義簪徐側林反子夏傳同疾也鄭云速也

埤蒼同王肅又祖感反古文作貸京作攢馬作臧荀

作宗虞作戠戠叢合也蜀才本依京義從鄭 按子

夏傳作簪今易也古文作貸與簪字形聲相去甚遠

古文先師求之不得故鄭京並依今易或讀爲簪或

讀爲攢說文八篇下云先首笄也从人匕象簪形重

文簪俗先从竹从替是簪爲當代俗字知鄭之作簪

是依今易而非古文矣說文八篇下又云𦏧替替銳

意也从二先按說文以替替爲銳則替亦當訓疾說

文五篇上替曾也从日𦏧聲詩曰替不畏明七感切蓋

古文易當作替寫者誤爲貸詩民勞慤不畏明校於

說文則字又从心叚藉通用京易之攢當從心作慤

說文無攢字也淮南本經云兵莫慤於志而莫邪爲

下高誘注僭猶利也墨子明鬼云若此之僭邀是僭
有疾速之義故曰利曰銳廣雅釋詁僭疾則替字既
通爲簪又通爲鬻並是隸寫校之說文定以替字爲
古文易也馬作臧與貨形近荀又以聲近讀簪爲宗
虞作戠亦與貨形近集解引虞曰盍合也坤爲盍戠
之弋切聚會也坎爲聚坤爲衆衆陰並應故朋盍戠戠
舊讀作摯作宗也詳虞之意知作摯作宗皆諸家所
讀而非其經之舊文則陸氏音義卽以某家所讀爲
某家本者於此可證

上六冥豫 音義冥鄭讀爲鳴

隨官有渝 音義官有蜀才作館有 校蜀才晚出所

傳或有訛字

位正中也 音義一本作中正 按集解引虞注亦作

中正

臨位當也 音義本或作當位實非也 按李氏集解

本作當位實也其引荀爽注亦同宜從之

觀盥而不薦 音義而不薦王肅本作而不觀薦 按

集解引馬融注云觀盥而不觀薦此馬氏解釋經文
盥而不薦之義王肅就之以增經文肅多憑臆私造
不可据也

陸盧

明罰勅法 音義勅恥力反此俗字也字林作勅

鄭云勅猶理也 按勅非俗字說文十三篇下勅勞

也从力來聲洛代切則勅是勞來之正字也勅字說文

無當作敕

屨校減趾 音義本作減止云本亦作趾趾足也 按

說文無趾字說文二篇上云止下基也象草木出有止故以止爲足据此則作止爲正下賁其趾音義趾一本作止鄭云趾足則凡訓爲足者皆當作止與說文同

噬乾肺 音義肺縑美反馬云有骨謂之肺鄭云簣也

字林云塋食所遺也一曰脯也子夏作脯徐音甫荀

董同 按說文四篇下脯乾肉也从肉甫聲又塋食

所遺也从肉仕聲易曰噬乾塋阻史切重文肺楊雄說

壘从巾校楊雄所說乃古文也以古文从巾故鄭讀
爲第而云簣也集解引陸續亦作肺荀据子夏易讀
肺爲脯肺脯字相近莪文類聚引尙書大傳酌酒切
脯公羊疏引作酌酒切肺肺當作肺篆肺字作𦵏與
肝肺之肺作𦵏者相近故肺誤爲肺

賁以明庶政 音義明蜀才本作命

舍車而徒 音義車鄭張本作輿 按張張璠璠集二
十二家注其作輿是依鄭本

賁如皤如 音義皤白波反說文云老人貌董音槃云
馬作足橫行曰皤鄭陸作皤音煩荀作波 按丁氏
杰云音訓云音皤顧亭林易音引釋文云鄭本作蹠

音燔又引蔡邕賦爲証當從蹠字案注云進退未定則爲蹠當是然顧所見釋文卽是今本安得作蹠音燔乎蓋顧但據音訓以義推之盧召弓據顧氏以改釋文或未安也翔鳳按說文無蹠字或鄭假燔爲之東帛𦵏𦵏 音義𦵏𦵏在干反馬云委積貌薛虞云禮之多也又音𦵏黃云猥積貌一云顯見貌子夏傳作𦵏𦵏 按𦵏音在干反正同𦵏音蓋古文作𦵏博士易作𦵏字亦通用說文四篇下𦵏𦵏也从步𦵏聲又十二篇下𦵏𦵏也从二戈周書曰𦵏𦵏巧言古文易書並作𦵏而異其讀

易𦵏字在干反書𦵏字昨干反

今文家以東帛

𦵏𦵏之𦵏加步旁

漢王君廟門碑東帛有𦵏今模𦵏𦵏似𦵏字漢時碑自用今文也

幾巧言之幾加言有故文十二年公羊傳云惟譏

善諍言漢書李尋傳云穆公說譏諷之言當時並用

今文書也

說文三篇上諷字下引周書曰戮戮善諷言譏作戮諍作諷蓋古文書之異讀也

剝

剝牀以足蔑貞凶 音義蔑莫結反猶削也楚俗有

削滅之言馬云無也鄭云輕慢荀作滅 按象曰剝

牀以足以滅下也荀蓋据象辭以正經字宜可從爾

剝牀以膚

音義膚京作盭謂祭器

君子得輿

音義得輿京作德輿董作德車 按集解

引虞曰夫乾爲君子爲德坤爲車爲民乾在坤故以

德爲車据此知虞本亦作德車

復

朋來无咎

音義朋京作崩

无祇悔 音義祇音支辭也馬同音之是反韓伯祁支
反云大也鄭云病也王肅作禔時支反陸云禔安也
九家本作敍音支 按鄭訓病則祇當讀爲疹敍字
說文無隸書俗字也

頻復厲 音義頻如字本又作𩑦𩑦眉也鄭作顰音同
按說文十一篇下𩑦水厓人所賓附頻蹙不前而
止从頁从涉隸省水作頻又顰涉水顰蹙从頻卑聲据此
頻顰俱有頻蹙之訓字可通段

有災眚 音義有灾本又作災鄭作裁按說文裁正字
也灾或字也災籀文也

无妄 音義馬鄭王肅皆云妄猶望謂無所希望也

按此則妄當讀爲望

天命不祐 音義不佑音又鄭云助也本又作祐馬作

右謂天不右行 按說文三篇下右手口相助也从

又从口 臣鉉曰今俗別作佑非是 則右是正字馬鄭古文皆當作

右兩義並通也

大畜 音義大畜本又作蓄勅六反義與小畜同

君子以多識 音義識劉作志 按志字說文無當作

識所云劉者是劉表而非向歆也

九二輿說輶 音義輶音復又音福蜀才本同或作輻

一云車旁作復音服車下縛也作畱者音福老子三

十輻共一轂是也 按此載一說足證輶之不可作

輻已詳於前矣

良馬逐 音義逐如字鄭本作逐逐云兩馬走也姚云

逐逐疾並驅之貌一音胄

日閑輿衛 音義曰音越劉云曰猶言也鄭人實反云

日習車徒 按虞注離爲日義亦同鄭

童牛之牯 音義牯古毒反劉云牯之言角也陸云牯

當作角九家作告說文同 按說文二篇上牛觸人

角著橫木所以告人也从口从牛易曰僮牛之告据

此知告是正字

豬豕之豸 音義豸鄭讀爲互 按古豸音同互

願我朵頤 音義朵動也鄭同京作櫛 按廣韵上

聲三十四果揣搖也

丁果反

則揣有朵音廣雅釋訓揣

抗搖捎也亦同搖動之訓則揣是正字朵揣段藉字

又京作揣疑揣字之訛

顛顛拂經

音義拂符弗反違也薛同一音敷弗反子

夏傳作弗云輔弼也

按廣雅釋詁拂輔也荀子臣

道篇功伐足以成國之大利謂之拂楊倞注拂讀爲

弼則拂本有輔弼之訓子夏傳拂作弗者段藉字

其欲逐逐

音義逐逐如字敦實也薛云速也子夏傳

作攸攸志林云攸當爲逐蘇林音迪荀作悠悠劉作

攷云遠也說文攷音式六反

按漢書敘傳下六世

耽耽其欲液液注師古曰易顛卦六四爻辭曰虎視

耽耽其欲澁澁耽耽威視之貌澁澁欲利之貌耽音
丁合反澁音滌今易澁字作逐顏注謂今易澁作逐
指當時所行之易也其上引爻辭及音當是服虔應
劭諸家之舊注蓋古音攸聲逐聲同部故可通用

大過

枯楊生稊

音義枯楊如字鄭音姑謂無姑山榆

榆羊朱反

按鄭音卽是鄭讀鄭無音但有讀若讀爲其言音及反語並是李軌等作易音者爲

之他經

稊徒稽反楊之秀也鄭作萇萇木更生音夷

謂山榆之實

習坎

音義坎本亦作埴京劉作欲險也陷也

水洊至

音義洊在薦反徐在悶反舊又才本反爾雅

云再也劉云仍也京作臻干作荐

險且枕 音義險且如字古文及鄭向本作檢鄭云木
在手曰檢枕徐針鳩反王肅針甚反鄭云木在首曰
枕陸云閑礙險害之貌九家作玷古文作沈沈直林
反

納約自牖 音義牖陸作誘

祇既平 音義祇音支又祁支反鄭云當爲坻小丘也
京作禔說文同 按說文一篇上禔安福也从示是
聲易曰禔既平

寘于叢棘 音義寘置也劉作示言衆議於九棘之下
也子夏傳作湜姚作寔寔置也張作置

百穀草木麗乎土 音義麗說文作麓土王肅本作

地 按說文一篇下薨艸木相附麗土而生从艸麗
聲易曰百穀草木麗於地陸元朗所見說文已作薨
字知非譌本金壇段氏据類篇及舊抄小徐繫傳以
說文引易作薨爲譌寫者余未敢信又按土字王肅
本作地與說文同肅本尙是馬鄭舊易

日昃之離 音義日昃王嗣宗本作仄音同 按說文
七篇上廂日在西方時側也从日仄聲易曰日廂之
離鉉曰今俗別作昃非是

不鼓缶而歌 音義鼓鄭本作擊

則大耋之嗟凶 音義耋京作經蜀才作啞之嗟如字
王肅又遭哥反荀作嗟下嗟若亦爾凶古文及鄭無

凶字

出涕沱若 音義沱荀作池一本作沱𣶒古文若皆如此 按通志堂經典釋文本𣶒字仍作若今据宋本改三代彝器文若皆作𣶒

威嗟若 音義威子夏傳作喊喊子六反咨慙也 按說文無喊字

離王公也 音義離音麗鄭作麗王肅云麗王者之後爲公

王用出征以正邦也 音義王肅本此下更有獲匪其醜大有功也

周易攷異下 過庭錄卷三

咸

咸其拇

音義拇茂垢反馬鄭謂足大指也子夏

作拇荀作母云陰位之尊

國事經緯成皆近取諸

身初爲足故馬鄭解拇爲足大指然拇从手爲將指
子夏从足作拇說文無拇字當借母字爲之李氏集
解本作母引虞注曰母足大指也艮爲指坤爲母故
咸其母拇之作母猶趾之作止也

咸其腓

音義腓房非反鄭云膊腸也膊音市鬻反王

虞云腓腓腸也荀作肥云謂五也尊盛故稱肥 按

說文四篇下腓脛腓也腓腓腸也此謂足脛脛之後

多肉者似有腸故謂之膊腸猶今俗所謂腿肚

二字皆俗

腓與肥通用荀作肥本同訓荀不取諸身故於母於肥皆與鄭虞異

憧憧往來 音義憧憧昌容反馬云行貌王肅云往來不絕貌徐又音童又音鐘京作憧字林云憧遲也丈冢反 按說文十篇下憧遲也从心重聲

咸其輔頰舌 音義輔如字馬云上頷也虞作輔云耳目之間頰兼叶反孟作俠 按說文十四篇上輔人頰車也集韻輔或作𩈶說文九篇上𩈶頰也頰面旁也則輔與𩈶同訓字亦通用頰爲上頷其位在耳目之間虞之作𩈶義與馬同集解引虞曰耳目之間稱輔頰不作𩈶者依王注改知虞以𩈶頰在耳目之間也頰孟作

俠者音訓並近段藉字也

滕口說也 音義滕徒登反達也九家作乘虞作滕鄭云送也 按集解引虞注曰滕送也此李氏改虞注以就王弼易當据音義正之虞氏當本鄭讀正義曰舊說云滕徒登反滕競與也所競者口無復心實鄭云字作滕滕送也咸道極薄徒送口舌言語相感而已不復有志於其間据正義所引知古文易自作滕鄭始讀滕矣

恒浚恒 音義浚深也鄭作濬

或承之羞 音義或承鄭本作咸承

振恒凶 音義振之刃反馬云動也鄭云搖落也張作

震 按集解引虞注作震恒知虞亦作震惠定宇曰
古文震振祇三字同物同音祇有耆音故說文引易
作椿恒也

遯 音義遯字又作遂又作遁同 按說文無遂字疑
是古文

有疾憊也 音義憊鄭云困也王肅作斃荀作備 按
說文無憊字當作憊或作癘荀作備疑憊字之訛
肥遯无不利 文選思元賦注引淮南九師訓曰遯而
能肥吉孰大焉後漢張衡傳注引作遯而能飛

大壯羸其角 音義羸馬云大索也王肅作縲音縲鄭
虞作纍蜀才作累張作纍 按說文十三篇上纍大

索也則馬亦同鄭作纍說文無纍累字並俗字也依累

說文作索

壯于大舉之輓音義大輿異音餘之輓音福本又作

輻按虞注作壯于大車之腹

喪羊于易音義于易以豉反鄭音易謂佼易也陸作

場謂壇場也按經傳壇場之場多通作易

不詳也音義不詳鄭王肅作祥善也按虞注乾善

爲詳左氏成十六年傳德刑詳義禮信正義詳祥也

古字同

晉音義晉彖云進也孟作齊子西反義同按公羊

春秋昭十年晉欒施來奔左氏作齊欒施易孟氏春

易列下
三
秋左氏皆古文也

用錫馬蕃庶 音義庶鄭止奢反謂蕃遮禽也 按遮

庶聲故鄭讀庶爲遮

晝日三接 音義接鄭音捷勝也 按此亦鄭讀

罔孚裕无咎 說文引罔孚作有孚

晉如鼫鼠 音義鼫子夏傳作碩

矢得勿恤 音義矢孟馬虞鄭王肅本作矢馬王云離

爲矢虞云矢古誓字 按集解本作矢引荀爽曰五

從坤動而來爲離離者射也故曰矢得据此則漢魏

易皆作矢王弼乃改矢

明夷

文王以之 音義王肅云唯文王能用之鄭荀向

作似之下亦然 按古以似通用

夷于左股 音義夷于如字子夏作睇鄭陸同云旁視

曰睇京作睽左股音古馬王肅作殷云旋也日隨天

左旋也姚作右槃云自辰右旋入丑 按禮記內則

睇視鄭注睇傾視也易曰明夷睇于左股正義曰明

夷睇于左股者明夷六二爻辭彼注云旁視爲睇六

二辰在酉酉是西方又下體離離爲目九三體在震

震東方九三又在辰辰得巽氣爲股此謂六二有明

德欲承九三故曰睇于左股按京作睽卽睇之別體

說文無
睽字

集解引九家易作夷于左股訓夷爲傷當是

今文易股與般形近故馬讀作般而云日隨天左旋

集解引鄭曰夷傷也

此釋明夷之夷

日出地上其明乃光至

其入地明則傷矣故謂之明夷鄭以晉與夷夷皆以

日言

離為日

馬亦以日言但祿家皆言二十八宿從東

而左行

謂入度

日從西而右行此日不及天言其退度

其理則日自隨天左旋也姚作右槃當由肱改

用拯馬壯吉

音義用拯說文云舉也鄭云承也子夏

作拊字林云拊上舉音承

按說文十二篇上拊上

舉也从手升聲易曰拊馬壯吉

蒸上聲

重文撻拊或从

登鉉曰今俗別作拯非是据此則拊是古文拯是俗

體鄭本當不作拯也

明夷于南守

音義本作南狩本亦作守同

按古守

狩通用說文十篇上狩犬田也从犬守聲易曰明夷
于南狩則作狩者古文也

箕子之明夷 音義蜀才箕作其劉向云今易箕子作

蓼滋鄒湛云訓箕爲蓼詁子爲滋漫衍無經不可致

詰以譏荀爽 按明夷六五箕子之明夷作箕子者

博士施孟梁丘所傳之易也蓋博士授易但以章句

循誦不能窮陰陽之變惟孟氏別爲古文以傳梁焦

延壽蜀趙賓

儒林傳言上聞喜改師法遂不用喜此其切證

漢書儒林傳趙

賓以爲箕子之明夷陰陽氣亡箕子箕子者萬物方

蓼茲也蜀才箕作其當是孟氏所傳之古文劉向云

今易箕子作蓼滋蓋古文易作其子傳古文者讀爲

茲滋向自据中古文不讀趙賓也向所云今易謂今所出古文之易猶康成以古文書爲今尙書自晉以後古文盛行始以博士所傳爲今文易今文書漢時不爾也賓云陰陽氣亾箕子者指說卦傳乾爲天之類如荀九家虞仲翔所補之逸象皆本於陰陽氣也集解引馬注箕子德可以王故以當五仍用博士易以讀古文惠定宇曰蜀才從古文作其子其古音亥故讀爲亥亦作其荀爽依劉向讀箕子爲茲滋古文其子其與亥子與茲字異而音義同淮南子燹箕燧火高誘云其音該備之該該與茲同物故三統術曰該闕於亥肇萌於子是也五本坤也坤終於亥乾出

於子用晦而明明不可息故曰其子之明夷明夷反
晉晉晝也明夷晦也以十二辰言之七日來復則當
子以十日言之自晦復明則當旦故昭五年左傳卜
楚丘論此卦以明夷當旦亦此義

家人

家人嗃嗃

音義嗃嗃呼落反又呼學反馬云悅

樂自得貌鄭云苦熱之意荀作確確劉作熇熇 校
說文無嗃確字鄭云苦熱則从火作熇爲正

婦子嘻嘻

音義嘻嘻喜悲反馬云笑聲鄭云驕佚喜

笑之意張作嬉嬉陸作喜喜 校說文無嘻嘻字當
以喜爲正字讀當爲熙

勝

其牛掣

音義掣昌逝反鄭作羝云牛角皆踊曰羝

徐市制反說文作𦣻之世反云角一俯一仰子夏作
𦣻傳云一角仰也荀作𦣻劉本從說文解依鄭 校
說文四篇下𦣻一角仰也从角切聲易曰其牛𦣻又
𦣻角一俛一仰也从角奇聲與音義所引異說文無𦣻𦣻字
鄭本或傳寫之誤

其人天且劓 音義劓截鼻也王肅作𦣻 校說文四
篇下劓刑鼻也从刀臬聲易曰天且劓重文劓臬或
从鼻王肅作𦣻疑劓之誤

先張之弧後說之弧 音義後說之弧本亦作壺京馬
鄭王肅翟子元作壺 校虞注亦作後說之壺
以正邦也 音義正邦荀陸本作正國爲漢朝諱

宜待也 音義宜待也張本作宜時也鄭本作宜待時也

解

百果草木皆甲坼 音義坼勅宅反說文云裂也廣

雅云分也馬陸作宅云根也 校文選蜀都賦百果

甲宅注周易曰百果草木皆甲坼當作宅鄭元曰木實

曰果皆讀如人倦之解解謂拆呼當作坼皮曰甲根曰

宅宅居也呼當作坼火亞切据此則鄭亦作宅

赦過宥罪 音義宥音又京作尤

解而拇 音義拇茂后反陸云足大指王肅云手大指

荀作母

損

二簋可用亨 音義二簋蜀才作軌用亨香兩反下

同蜀才許庚反 按籀軌同音又籀字古文作甌从
軌則形亦相近蜀才既讀爲涂軌之軌則亨爲亨通
之亨矣

懲忿窒欲 音義本懲作徵直升反止也鄭云猶清也
劉作激云清也蜀才作澄窒珍栗反徐得悉反鄭劉
作憤憤止也孟作怪陸作睿欲如字孟作浴 按澄
是激之俗體說文無憤怪字蓋是隸書欲作浴音同
段藉

已事遄往 音義已事音以本亦作以虞作祀遄市專
反速也荀作顓 按說文二篇下顓往來數也从辵
耑聲易曰已事遄往又說文以作已从反已今篆文作已者

誤 已午之已不已之已 呂用之 呂古音皆與祀同集
解引虞注曰祀舊作已知作祀是虞讀也 遄作顓者
音近段藉

自上祐也 音義祐本又作佑

益 告公用圭 音義用圭王肅作用桓圭

偏辭也 音義偏辭音篇孟作徧云周帀也 按集解
本作徧引虞曰徧周布也此用孟義

夬 壯于前趾 音義趾荀作止

惕號 音義惕荀翟作錫云賜也

壯于頄 音義頄求龜反顓也又音求又丘倫反翟云
面顓夾閒骨也鄭作顓顓夾面也王肅音龜江氏音

琴威反蜀才作仇

按說文九篇上顙權也从頁𠂔

聲

力追切

說文無顙顙字則鄭作顙是也𠂔聲九聲同

部故蜀才段藉作仇

其行次且

音義次本亦作𨔵或作𨔵說次及鄭作𨔵

同七私反馬云卻行不前也說文倉卒也下卦放此

且本亦作𨔵或作𨔵同七餘反

按集解引虞注亦

作𨔵𨔵說文二篇上𨔵𨔵行不進也𨔵倉卒也从足

作𨔵𨔵者俗字音義引馬云次卻行不前也且語助

也則作次且者爲馬本

牽羊悔亡

音義牽子夏作𨔵

按牽𨔵音同段藉

莧陸夬夬

音義莧閑辯反三家音胡練反一本作莧

華板反陸如字馬鄭云莧陸商陸也宋衷云莧莧菜

也陸當陸也虞云莧說也陸和也

通志堂本音義作莧黃也陸商也此

據宋本與集解引虞注同

蜀才作睦親也通也

按集解引虞曰

莧說也莧讀夫子莞爾而笑之莧陸和睦也震爲笑

言五得正位兌爲說故莧陸夬夬大壯震爲行五在

中上中動而得正故中行无咎舊讀言莧陸字之誤

也馬君荀氏皆從俗言莧陸非也據此則音義所謂

一本作莞卽虞讀也陸氏論語音義云莧爾華版反

本今作莞則莧莞字可通用漢碑和睦多作和陸則

睦陸字亦通用

姤

音義姤薛云古文作遘鄭同

按說文無姤字當

以邁爲正

后以施命誥四方 音義誥鄭作詰起一反止也王肅

同

繫于金梃 音義梃徐乃履反又女紀反廣雅云止也

說文作楡云絡絲跣也讀若昵字林音乃米反王肅
作拊從手子夏作鋤蜀才作尼止也 按說文六篇

上欄絡絲欄从木爾聲讀若梃

奴禮切

與陸所引小異

梃與欄可通用拊鋤皆俗字

羸豕孚蹢躅 音義蹢一本作躅古文作蹢躅本亦作

蹢躅蹢不靜也古文作蹢 按蹢字篆作足旁啻隸

作足旁商本一字形異說文無蹢字其載古文或不

備躑躅字皆俗

包有魚 音義包本作庖同白交反下同鄭百交反虞云白茅包之荀作胞 校集解引虞曰巽爲白茅在中稱包詩曰白茅包之又曰或以包爲庖厨也虞云或者不知何本

以杞包瓜 音義包白交反子夏作苞馬鄭百交反按正義曰子夏傳曰作杞匏瓜薛虞記云杞杞柳也杞性柔刃宜屈撓似匏瓜据此則子夏不作苞音義當有誤

萃亨王假有廟 音義亨王肅本同馬鄭陸虞本並無此字

聚以正也 音義聚以正荀作取以正

君子以除戎器 音義除本亦作儲又作治王肅姚陸

云除猶脩治師同鄭云除去也蜀才云除去戎器脩

行文德也荀作慮 按荀作慮爲圖謀之義

一握爲笑 音義握傅氏作渥鄭云握當讀爲夫三爲

屋之屋蜀才同

孚乃利用禴 音義禴蜀才作躍劉作爓 按說文一

篇上禘夏祭也从示勻聲廣韵十八藥禘祭名又禴

上同則禴卽禘說文無禴字當以禘爲正

齋咨涕洟 按李氏集解本作齋資注引虞翻曰齋持

資賻也與馬鄭王本異

升 音義升鄭本作昇 按昇俗字鄭本疑有誤

君子以順德 音義以順德如字王肅同本又作慎師

同姚本德作得

積小以高大 音義以高大本或作以成高大 按集

解本作以成高大其引虞注亦有成字七經孟子考

文引古本足利本並有成字

允升大吉 說文十篇下執進也从本从中允聲易曰

執升大吉 按宋朱震漢上易傳引施肇曰執進也

施易久也蓋以說文傳會耳

剛揜也 音義剛揜本又作掩虞作弇 按集解本

揜作弇引荀注亦作弇

來徐徐困于金車 音義徐徐疑懼貌馬云安行貌子
夏作茶茶翟同茶音圖云內不定之意王肅作余余
金車一本作金輿

九五剿刖 音義荀王肅本剿刖作𠂔𠂔云不安貌陸
同鄭云剿刖當爲倪伋京作剿創說文創斷也 按
鄭云倪伋當是隄阨之誤說文十四篇下隄危也从
自从毀省班固說不安也周書曰邦之阨隄

于𠂔𠂔 音義𠂔𠂔五結反王肅妍詰反說文作𠂔牛列
反薛同𠂔𠂔五骨反又音月說文作𠂔云不安也薛又
作𠂔字同 按說文六篇下𠂔𠂔𠂔不安也从出臬
聲易曰𠂔𠂔力結切又按考工記匠人置𠂔以縣鄭注

𦼮古文臬假借字說文引易正是古文而說文無𦼮
字蓋在逸篇中也又說文檣机作檣𦼮則薛之作机
當是𦼮字與𦼮音同段藉

井 羸其瓶 音義羸蜀才作累鄭讀曰羸

井谷射鮒 音義射鄭王肅皆音亦云厭也荀作耶

校作耶無義疑有誤

甕敝漏 音義本甕作雍盧刻本屋送反李於鍾反鄭作

甕云停水器也說文作甕汲餅也

井收勿幕 音義收荀作甕干本勿作网

水火相息 音義息說文作熄

其文蔚也 說文九篇上斐分別文也从文非聲易曰

君子豹變其文斐也

鼎

亨飪也 音義亨本又作音同普庚反煮也飪入甚

反熟也 按說文三篇下孰食飪也从尹亭聲易曰

孰飪

殊六切

君子以正位凝命 音義凝鄭云成也翟作擬云度也

按鄭虞諸家作凝惟翟元作擬不可從

其形渥 音義形渥於角反沾也鄭作劓音屋 按漢

高彪碑形不妄濫刑作形知古字通用說文無劓字

當通作屋周禮司烜氏若屋誅注鄭司農云屋誅謂

夷三族元謂屋讀如其刑劓之劓

鄭引易形正作刑

劓誅謂

所殺不於市而以適甸師氏者也漢書敘傳彫落洪

支誅劓鼎臣注服虔曰彫落洪支誅退王氏也底致也周禮有屋誅誅大臣於屋下不露也易曰鼎折足其形渥凶謂誅朱博王嘉之屬也師古曰劓者厚刑謂重誅也音握服言屋下失其義潛夫論三式篇易曰鼎折足覆公餗其形渥凶此言三公不勝任則有渥刑也亦訓形爲刑

震 震來虩虩 音義虩虩馬云恐懼貌鄭同荀作愬愬

億喪貝躋于九陵 音義億本又作噫同於其反辭也六五同鄭於力反云十萬曰億喪息浪反荀如字貝荀音敗躋本又作躋子西反升也 按廣韵躋與躋同說文無躋字蓋隸書有之

震遂泥

音義遂泥乃計反荀本遂作隊泥音乃低反

按集解引虞曰坤土得雨爲泥位在坎中故遂泥也則虞亦解泥爲泥涂之泥是遂亦當作隊

艮

初六艮其趾

音義趾荀作止

艮其腓

音義腓本又作肥義與咸卦同

不拯其隨

音義本不拯作不承音拯救之拯馬云舉

也按說文十二篇上承奉也受也與拊

拯之訓上正字

舉之義同作不承者當是馬鄭本

列子黃帝篇使弟子並流而承之殷

敬順釋文云承音拯方言出溺爲承

列其夤

音義夤引真反馬云夾脊肉也鄭本作腴徐

又音允荀作腎云互體有坎坎爲腎

按說文無腴

字作夤者段藉字鄭作牘以隸讀之

厲薰心

音義薰許云反荀作動云互體有震震爲動

按集解虞曰艮爲闔闔守門人坎盜動門故厲闔
心古闔作熏馬因言熏灼其心未聞易道以坎水熏
灼人也荀氏以熏爲誤或作動皆非也又按漢書百
官公卿表光祿勳注如淳曰胡公胡廣曰勳之言闔也
闔者古主門官也光祿主宮門則薰心之薰或作勳
故荀讀爲動

言有序

集解本及引虞注序並作孚

漸

居賢德善俗

音義善俗王肅本作善風俗

婦孕不育

音義孕荀作乘

利禦寇 史徵周易口訣義作利用禦寇集解引虞注

亦有用字

歸妹

歸妹以須

音義須待也鄭云有才智之稱荀陸

作嬌陸云妾也

按說文十二篇下孺弱也一曰下

妻也从女需聲又按須或作嬖說文引賈侍中說楚人謂姊爲嬖嬖與娣相對

月幾望

音義幾音機又音祈荀作既

女承筐

音義承筐鄭作匡

按筐匡同字

豐

日中則吳

音義吳孟作稷

按公羊定十五年經

日下吳

左氏同

穀梁作日下稷又溼鄘閣頌劬勞日稷

吳稷字通用

遇其配主 音義配鄭作妃云嘉耦曰妃

雖旬無咎 音義旬均也荀作均劉昫作鈞 按鄭虞

並解旬爲十日小王解旬爲均蓋同荀讀

豐其蔀日中見斗 音義蔀馬云蔀小也鄭薛作菩云

小席見斗孟作見主 按說文無蔀字蓋段菩爲之

斗主古音同

豐其沛 音義沛本或作旆謂幡幔也 王輔子夏作沛

傳云小也鄭干作沛 今本作韋 此据宋本 云祭祀之蔽膝 按

子夏作沛者爲蔽沛之沛韓詩作蔽沛說文無沛字

溼張遷碑有蔽沛裳樹則沛沛俱可段藉鄭干作沛

沛當是市字之誤說文七篇下市韞也重文韞篆文

从韋从友則市爲執之古文與沛字从水市聲之水

異

此市篆作水音活切

但形相近耳

日中見沫

音義沫字林作昧𠂔太反云斗杓後星王

肅云音妹鄭作昧服虔云日中而昏也子夏傳云昧星之小者馬同薛云輔星也

折其右肱

音義肱姚作股

豐其屋

音義豐其屋說文作豐云大屋也 按說文

七篇下豐大屋也从宀豐聲易曰豐其屋

闕其無人

音義闕馬鄭云無人貌字林云靜也姚作

闕孟作室並通

按說文無闕字徐鉉以爲卽昊字

亦無闕字其與室通未詳

天際翔也 音義際鄭云當爲療病也翔鄭王肅作祥
自藏也 音義藏衆家作戕馬王肅云殘也鄭云傷也
按衆家者謂王弼以外諸家也

^旅得其資斧 音義資斧子夏傳及衆家並作齊斧張

軌云齊斧蓋黃鉞斧也張晏云整齊也應劭云齊利
也虞喜志林云齊當作齋齋戒入廟而受斧下卦同

按陸氏以子夏爲卜氏爲說易之最初故舉子夏
以冠衆家則自小王以外無不作齊斧矣漢書敘傳
終用齊斧注張晏曰齊斧越斧也以整齊天下也又
按蔡邕集太尉橋公碑爰將度遼亦由齊斧文選陳
孔璋檄吳將校部曲云要領不足以膏齊斧晉書樂

志乃整元戎以膏齊斧則古人多用齊斧集解引虞
曰離爲資斧說卦離爲戈兵亦取黃鉞之象則虞亦
作齊斧又巽卦上九引荀曰軍罷師旋亦告於廟還
斧於君故喪資斧正如其故不知臣節則凶故曰喪
其資斧貞凶荀此注正同齊戒入廟之義則荀亦作
齊斧李氏並据王弼本改之也

巽 說文五篇上顛巽也从下从顛此易顛卦爲長女
爲風者

喪其資斧 漢書敘傳顏師古注引易作喪其齊斧

兌 麗澤兌 音義麗連也鄭作離云猶併也

漢 用拯馬壯吉 音義拯馬云舉也伏曼容云濟也王

肅云拔也子夏作拊拊取也 按子夏亦與說文所引同

渙有上匪夷所思 音義有上姚作有近匪夷苟作匪弟

中孚 豚魚吉 音義豚黃作遞

吾與爾靡之 音義靡木又作縻同亾池反散也干同徐又武寄反又忌彼反韓詩云共也孟同埤蒼作縻云散也陸作縻京作縻 按靡縻縻縻文異而義可通

月幾望 音義幾京作近苟作既

小過 已上也 音義上鄭作尙云庶幾也

既濟

婦喪其第

音義第首飾也馬同干云馬髻也鄭

云車蔽也子夏作髻荀作紱董作髦校集解引虞

曰髻髮謂鬢髮也一名婦人之首飾也又曰髻或作

第俗說以髮爲婦人蔽膝之第非也据此知虞亦作

髻紱是俗字

憊也 音義憊陸作備云當爲憊憊困劣也

繻有衣襦 音義繻而朱反鄭王肅云音須子夏作襦

王廙同薛云古文作繻襦女居反絲襦也王肅音如

說文作祭

本作祭依說文改

云繻也廣雅云祭塞也子夏作

茹京作祭 按說文十二篇上繻繒采也从糸需聲

讀若易繻有衣又祭絜絜也一曰敝絜从糸奴聲易

曰需有衣絮今校說文繻下引易之繻有衣當作需
有衣絮蓋讀若不當用本字需當是博士所傳之本
後謂之寫說文者既誤需爲繻又脫絮字其絮下引
今文易易爲古文易則需當作繻合於薛虞所見之古文又
說文無襦字八篇上絮敝衣也今本作襦從衣奴聲
金壇段氏謂襦袷皆袷之誤字

繫辭上剛柔相摩 音義摩本又作磨末何反京云相
磴切也馬云摩切也 按說文無磨字九篇下云礪
石礪也从石靡聲機臥切又礪礪也从石豈聲五對切則
京氏馬氏之易皆當作礪俗省作磨

八卦相盪

音義盪衆家作蕩王肅音唐黨反馬云除

也桓云動也唯韓云相推盪 校當時以韓伯注續
王弼易注故音義繫辭以下皆用韓本据此知衆家
作蕩唯韓作盪說文無蕩盪字詩陳風子之湯兮傳
湯蕩也箋云游蕩無所不爲音義湯他郎反舊他浪
反則蕩盪皆當作湯而讀去聲隸書始有蕩字故衆
家皆作蕩

鼓之以雷霆 音義霆蜀才云疑爲電 校霆電聲之
轉

日月運行 音義運行姚作違行

坤作成物 音義坤作虞姚作坤化姚云化當爲作
而成位乎其中 音義馬王肅作而易成位乎其中

繫辭焉而明吉凶 音義虞本更有悔吝二字

剛柔者晝夜之象 音義虞作晝夜者剛柔之象

易之序也 音義序陸云序象也虞本作象

所樂而玩者 音義所樂虞本作所變玩鄭作翫 按

集解引虞曰變舊作樂字之誤可證變字爲虞所改
說文一篇上玩弄也从玉元聲又四篇上翫習厭也
从習元聲春秋傳曰翫歲而愒日集解引虞曰玩弄
也則虞本作玩鄭作翫取翫習之義

原始反終 音義反終鄭虞作及終

而道濟天下 音義鄭云道當作導

旁行而不流 音義流京作留

樂天知命 音義樂天虞作變天

範圍天地之化 音義鄭云範法也馬王肅張作犯違

張云犯違猶裁成也 按犯違是段藉字

故君子之道鮮矣 音義鮮鄭作尠馬鄭王肅云少也

按說文二篇下尠是少也尠俱存也从是少賈侍
中說又漢書鮮作尠者尠之誤

藏諸用 音義藏鄭作臧云善也 按說文無藏字通

作臧

成象之謂乾 音義成象蜀才作盛象

效法之謂坤 音義本效作爻爻法胡孝反馬韓如字

效也蜀才作效 按集解本亦作爻注云爻猶效也

其靜也專

音義專陸作搏音同

按說文無搏字餘

姚盧學士攷證曰左氏昭廿年傳琴瑟之專壹亦作搏史記始皇紀搏心壹志皆與專同則搏字當改搏知崇禮卑

音義禮蜀才作體

見天下之蹟

音義蹟九家作冊京作嘖云情也

按

說文無蹟字當以嘖爲正

以行其典禮

音義典禮京作等禮姚作典體

言天下之至蹟而不可惡也

音義惡於嫁反荀作亞

亞次也又烏路反馬鄭烏洛反並通

按尙書大傳

王升舟入水鼓鍾惡觀臺惡將舟惡宗廟惡鄭注惡讀爲亞亞次也荀作亞當是荀所讀也

言天下之至動而不可亂也

音義衆家本並然鄭本

作至蹟云蹟當爲動九家亦作冊

按說文解字敘

云知天下之至噴而不可亂也亦作噴

議之而後動

音義議之陸姚桓元荀柔之作儀之

吾與爾靡之

音義靡之本又作縻

今本靡縻互京作

劓

慎斯術也以往

音義慎鄭干同一本作順

有功而不德

音義德鄭陸蜀才作置鄭云置當爲德

則言語以爲階

音義階姚作機

作易者其知盜乎

音義爲易

異本

本又云作易

按易

解引虞注亦作爲易

易曰負且乘致寇至 音義寇徐或作戎宋衷云戎誤

慢藏誨盜治容誨淫 音義誨教也虞作悔謂悔恨治

鄭陸虞姚王肅作野言妖野容儀教誨淫佚也王肅

云作野音也 按集解引虞注作誨此据韓康伯本

改非也後漢崔駰傳注引易治容誨注鄭元曰飾其

容而見於外曰治當作野劉向列女傳齊孝孟姬言野

處則帷裳擁蔽故容見於外謂之野容

故再扞而後掛 音義掛京作卦云再扞而後布卦

按說文十二篇上扞易筮再扞而後卦說文無掛字

有挂字

天數二十有五地數三十 按唐石經二十三作廿

廿後萬有一千五百二十亦作廿

引而伸之 音義伸本又作信音身 按禮記儒行竟

信其志鄭注信讀如屈伸之伸假借字也信或為申

集解引虞曰引謂庖犧引信三才又曰故引而信之

則作信是虞本

可與醕酢 音義酢京作醋 按說文十四篇下醕主

人進客也从酉曷聲重文醕醕或从州醕客酌主人

也从酉昔聲在各切鉉曰今 酢醕也从酉乍聲倉故切鉉

曰今俗作 古音昔乍同部醕酢可通用然醕酢之酢

在各切 當作醋為正

可與祐神矣 音義祐苟作侑

易有聖人之道 音義明僧紹作君子之道

其受命也如嚮 音義嚮又作響 按集解引虞注作

響說文無嚮字隸書有之

遂成天地之文 音義天地之文一本作天下虞陸本

作之爻

極深而研幾也 音義研蜀才作殫幾本或作機鄭云

機當作幾幾微也

夫易何爲者也 集解本作夫易何爲而作

夫易開物成務 音義開王肅作闔一本無夫易二字

圓而神 音義圓本又作員 按圓作員是段藉

易以貢 音義貢京陸虞作工荀作功

聖人以此洗心 音義洗京荀虞董張蜀才作先石經

同 按石經謂漢熹平石經

知以藏往 音義藏劉作臧善也

探賾索隱 音義賾九家作冊 按說文解字敘云探

賾索隱賾作噴

莫大乎蓍龜 莫大音義本作莫善本亦作莫大

又以尙賢也 音義又以鄭本作有以

繫辭下繫辭焉而命之 音義命孟作明

吉凶者貞勝者也 音義貞勝姚本作貞稱

確然示人異矣 說文五篇下崔高至也从佳上欲出

口易曰夫乾崔然 按確以崔爲正

隤然示人簡矣 音義隤孟作退陸董姚作妥 按說
文無妥字當段綬爲之

聖人之大寶曰位 音義寶孟作保

何以守位曰仁 仁音義本作人曰人王肅卜伯玉桓

〔元〕明僧紹作仁 按此則漢易皆作人也文選張平

子東京賦守位以人不恃隘害李善本作仁注云綜

作人又薛綜注曰人謂衆庶也隘險也言要須擢任

賢臣不以要害爲牢固集解宋衷曰守位當得士大

夫公侯有其人賢兼濟天下又泰卦虞注守位以人

聚人以財皆此義

古者庖犧氏 庖音義本作包本又作庖曰包鄭云取

也孟京作伏犧字又作義鄭云鳥獸全具曰犧孟京作戲云伏服也戲化也

作結繩而爲網罟音義爲罟無網字馬姚云猶网也此

知漢魏易無網字黃本作爲网罟云取獸曰网取魚曰罟

以佃以漁音義佃本亦作田漁本亦作魚

服牛乘馬說文二篇上獮易曰獮牛乘馬从牛荀聲

平祕切按服獮古音同部段藉當以獮爲正

重門擊柝音義柝馬云兩木相擊以行夜說文作橧

按說文六篇上橧夜行當作行夜所擊者从木橧聲易

曰重門擊橧又槨判也从木所聲易曰重門擊槨蓋

易文有異橧是正字槨是段藉故說文兩存之

以待暴客 音義暴鄭作𧣾 按說文無𧣾字周禮有之蓋暴字之古文漢藝文志史籀十五篇周宣王太史作大篆十五篇建武時亡六篇則許所不載者皆在亡篇中也

象也者像也 音義衆本並云像擬也孟京虞董姚還作象

易曰鼎折足覆公餗 音義餗馬作粥 按下經鼎九

四鼎折足覆公餗音義引馬云餗也是馬本訓餗爲粥說文三篇下鬻鬻也从鬻侃聲重文餗或从食建

聲又鬻餗也从鬻米聲

武悲切鉉曰今俗作粥音之六切

又鬻鼎實

惟葦及蒲陳畱謂餗爲鬻从鬻速聲重文餗鬻或从

食束聲則餽餽皆訓爲粥作粥者馬所讀也

易曰介于石

音義介徐音戒衆家作矸

通志堂本作介

徐云

王廙古黠反

按辯見前

天地網緼

音義網本又作氤緼本又作氤

按說文

十篇下壹壹壹也从凶从壺不得泄凶也易曰天地

壹壹

於云切

則當以壹壹爲正氤氤俗字

雜而不越

說文二篇下述踰也从辵戊聲易曰雜而

不越

因貳以濟民行

音義貳鄭云當爲貳

損德之脩也

音義脩鄭云治也馬作循

雜物撰德

音義撰鄭作算數也

按說文無撰字當

通作選論語何足算也漢書作何足選也則算亦通選

說卦參天兩地 說文七篇下兩再也从門闕

闕者其義未得

故闕疑也易曰參天兩地

而倚數 音義倚蜀才作奇

日以烜之 烜音義本作暄曰京云乾也本又作暄徐音古鄧反 按說文無暄字況恒久之恒爲从舟之直烜乾之烜爲从回之回形聲俱不近不可信也

妙萬物 音義妙王肅作眇音妙董云眇成也

莫煖乎火 音義煖徐本作瞋說文同 按說文七篇

上瞋乾也耕暴田曰瞋从日莖聲易曰燥萬物者莫

曠乎離

坎爲豕

音義豕京作豕

爲瘠馬

音義瘠京荀作柴云多筋幹

爲吝嗇

音義吝京作遴

爲大輿

晉語韋昭注易坤爲大車

震爲雷爲龍

音義龍虞干作驪虞云蒼色干云雜色

按集解本作爲驪引虞曰驪蒼色震東方故爲驪

舊讀作龍上巳爲龍非

漢上易傳引此作鄭注誤

爲剪

音義剪王肅音孚干云花

花俗字依說文當爲剪亦通葩之通

名鋪爲花貌謂之蔽本又作專如字虞同姚云專一

也鄭市戀反

按說文三篇下專

楷隸作剪布也从寸甫

聲又敷岐也从攴專聲一切經音義

卷二

云敷古文作

專則古文卽以專爲敷說文無敷字一篇下云舊華

葉布从艸傳聲讀若傳則舊卽敷之正字鄭虞並作

專當是孟氏古文延篤始讀爲專而肅因之故集解

引虞曰陽在初

謂震

隱靜未出觸坤故專則乾靜也專

延叔堅說以專爲專大布非也鄭音市戀反當讀爲

擅義則同也

爲蒼簣竹

音義簣或作琅通

按說文無簣字當以

琅爲正

爲萑葦

按唐石經萑作萑非

爲鼻足

音義鼻京作朱荀同陽在下

爲的顙 音義的說文作駟 按的當依說文从日作的說文七篇上的明也从日勻聲易曰爲的顙明有白義集解引虞義的白顙額也震體頭在口上白故的顙詩有馬白顙是也虞傳孟氏古文作的者古文易也說文十篇上駟馬白額也从馬的省聲易曰爲駟顙作駟者博士易也說文兩存之故所引異

爲反生 音義反生麻豆之屬反生戴荂甲而出也虞作阪云陵阪也陸云阪當爲反 按集解引宋衷注漢上易傳引鄭注俱作反生反與阪古當通用故蒲阪亦作蒲反也

爲寡髮

音義寡本又作宜黑白雜爲宜髮

按集解

引虞曰爲白故宣髮馬君以宣爲寡髮非也又考工

記車人半矩謂之宣注頭髮皓白曰宣易巽爲宣髮

疏曰按說卦云其於人爲宣髮注宣髮取四月靡草

死髮在人體猶靡草在地今易文不作宣作寡者謂

時所行韓蓋宣寡義得兩通故鄭爲宣不作寡也宋

康伯易周禮注疏宣字俱刪改作寡王伯厚輯鄭注尙未誤以此知鄭虞皆作宣髮

爲廣額 音義廣鄭作黃

爲矯輶 音義矯犯表反一本作橋同輶如九反馬鄭

陸王肅本作此此指宋衷王廙作揉宋云使曲者直

直者曲爲揉京作柔荀作橈 按說文無輶揉字當

段柔爲之

爲弓輪

音義輪姚作倫

爲亟心

音義亟荀作極云中、也

爲乾卦

音義鄭云乾當爲幹陽在外能幹正也董作

幹

爲羸

音義羸京作螺姚作蠡

按羸蠡聲轉相通說

文無螺字

科上槁

音義科空也虞作折槁鄭作槁干作槁

爲果蓏

音義果蓏京本作果墮之字

爲狗

狗集解本作拘引虞曰指屈伸制物故爲拘拘

舊作狗上巳爲狗字之誤

爲黔喙

音義黔鄭作黠爲虎豹之屬貪冒之類

爲堅多節 音義一本無堅字 按虞注亦無堅字

爲羊 音義羊虞作羔 按集解本亦作羔引虞義曰

羔女使皆取位賤故爲羔舊讀以震駭爲龍艮拘爲狗兌羔爲羊皆已見上此爲再出非孔子意也

音義又曰此六子依求索而爲次第也本亦有此三男居前三女後荀爽九家集解本乾後更有四爲龍爲直爲衣爲言川後有八爲牝爲迷爲方爲囊爲裳爲黃爲帛爲漿震後有三爲王爲鶴爲鼓巽後有二爲楊爲鶴坎後有八爲宮爲律爲可爲棟爲叢棘爲狐爲蒺藜爲桎梏離後有一爲牝牛艮後有三爲鼻爲虎爲狐兌後有二爲常爲輔頰注云常西方神也

不同故記之於此 按易以八卦分陰陽以七九爲陽爻八六爲陰爻以成六十四卦陰陽之氣無可見故取於仰觀俯察以成卦爻之辭辭之取象必本於陰陽之氣既見其文於說卦荀九家之逸文及虞氏所增之象皆古文家所傳說易者當以是求之

序卦

必反其家 按唐石經本李氏集解本其皆作於

決必有過 按唐石經及宋本注疏同今本衍所字

雜卦

謙輕而豫怠也 音義怠京作治虞作怡 按集

解引虞義豫薦樂祖考故怡怡或言怠也

豳則飭也 音義飭鄭本王肅作飾 按集解引虞注

作飾唐石經亦作飾

大有衆也 音義衆苟作終

豐多故也親寡旅也 音義豐多故

無也字

衆家以此絕

句親寡旅也苟本豐多故親絕句寡旅也別爲句